

古詩源卷十

長州沈德潛確士選

宋詩

孝武帝

宋人詩日流於弱古之終而律之始也無
鮑謝二公恐風雅無色○孝武詩時有巧

思

自君之出矣

自君之出矣。金翠闇無精。思君如日月。回還晝夜生。

南平王鑠

白紵曲

僊僊徐動何盈盈。玉腕俱凝若雲行。佳人舉袖輝青蛾。
摻摻擢手映鮮羅。狀似明月泛雲河。體如輕風動流波。
晉曲似拙然氣味極厚此但覺其
鮮秀矣風氣升降作者不能自主

擬行行重行行

眇眇陵長道。遙遙行遠之。迴車背京里。揮手從此辭。
堂上流塵生。庭中綠草滋。寒蟬翔水曲。秋兔依山基。
芳年有華月。佳人無還期。日夕涼風起。對酒長相思。
悲發江南調。憂委子衿詩。臥覺明燈晦。坐見輕紈緇。
淚容不可飾。幽鏡難復持。願垂薄暮景。照妾桑榆時。
頗臻古意

何承天

雉子遊原澤篇

雉子遊原澤。幼懷耿介心。飲啄雖勤苦。不願棲園林。古
有避世士。抗志青霄岑。浩然寄卜肆。揮棹通川陰。逍遙
風塵外。散髮撫鳴琴。卿相非所盼。何況於千金。功名豈
不美。寵辱亦相尋。冰炭結六府。憂虞纏胸襟。當世須大
度量。已不克任三。復泉流誠。自警良已深。

顏延之

顏詩惠休品爲鏤金錯采然鏤刻太甚填綴求工轉傷真氣中間如五君詠秋胡行

皆清真高逸者也○士衡長於敷陳延之長於鏤刻然亦緣此爲累詩云穆如清風是爲雅音

應詔讌曲水作詩八章

宋略曰文帝元嘉十一年三月丙辰禊飲於樂

遊苑且祖江夏王義恭衡陽王義季有詔會者賦詩

道隱未形治彰既亂帝跡懸衡皇流共貫惟王創物永錫洪筭仁固開周義高登漢

祚融世哲業光列聖太上正位天臨海鏡制以化裁樹

之形性惠浸萌生信及翔泳

太上謂文帝也

崇虛非徵積實莫尙豈伊人和實靈所貺日完其朔月

不掩望航琛越水輦賚踰嶂

賚同贖言遠夷納貢也

帝體麗明儀辰作貳君彼東朝金昭玉粹德有潤身禮

不愆器柔中淵映芳猷蘭秘

帝體太子也記曰長子正體於上○詩傳曰儀匹也

辰北辰也

昔在文昭今惟武穆於赫王宰方且居叔有睟獻蕃爰

履奠牧寧極和鈞屏京維服

王宰謂王爲宰輔比之周旦而亦居叔也指江夏衡

王陽二

肫魄雙交月氣參變開榮灑澤舒虹爍電化際無間皇

情爰眷伊思鎬飲每惟洛宴

肫魄雙交謂月之二三日也月氣參變謂三月也此說

入修禊

郊餞有壇君舉有禮幙帷蘭甸畫流高陞分庭薦樂析

波浮醴。豫同下諺。事兼出濟。

仰閱豐施。降惟微物。三妨儲隸。五塵朝黻。途泰命屯。思

充報屈。有悔可悛。滯瑕難拂。微物自謂也。三妨五塵。謂已所歷之官位。○八章次

序有法。追金珠玉不妨沉悶。義山所謂句奇語重者耶。

郊祀歌

賁威寶命。嚴恭帝祖。炳海表岱。系唐胄。楚靈監睿。文民

屬睿武。奄受敷錫。宅中拓宇。巨地稱王。罄天作主。月竊

來賓。日際奉土。開元首正。禮交樂舉。六典聯事。九官列

序。有牲在滌。有絜同潔在俎。薦饗王衷。以答神祐。尚書曰海岱及

淮惟徐州東京賦曰系唐統接漢緒沈約宋書曰高祖彭城人楚元王之後也彭城徐州之境○竊同窟

維聖饗帝維孝饗親皇乎備矣有事上春禮行宗祀敬

達郊裡金枝中樹廣樂四陳陟配在京降聽在民奔精

昭夜高燎揚晨陰明浮爍沈禋深淪告成大報受釐元

神月御按節星驅扶輪遙興遠駕曜曜振振也○宋爲

水德而主辰故陰明之宿浮爍而揚光沈禋所祭沈淪而深入也祭名○月御二句言天神降而月御爲之

按節星驅爲之扶輪也

贈王太常

玉水記方流璇源載圓折蓄寶每希聲雖秘猶彰徹聆

龍際音砌九淵聞鳳窺丹穴。歷聽豈多士。歸然觀時哲。舒

文廣國華。敷言遠朝列。德輝灼邦懋。芳風被鄉耄。側同

幽人居。郊扉常晝閉。必列切林閭時晏開。亟迴長者轍。庭

昏見野陰。山明望松雪。靜惟浹羣化。徂生入窮節。豫往

誠歡歇。悲來非樂闕。屬美謝繁翰。遙懷具短札。尸子曰凡水其

方折者有玉其圓折者有珠○際察也○用筆太重非詩人本色

夏夜呈從兄散騎車長沙

散騎字敬宗車長沙字仲遠

炎天方埃鬱。暑晏闕塵紛。獨靜闕偶坐。臨堂對星分。側聽風薄木。遙睇月開雲。夜蟬當夏急。陰蟲先秋聞。歲候

初過半荃蕙豈久芬屏居惻物變慕類抱情殷九逝非
空思七襄無成文

楚詞曰惟郢路之遼
遠兮魂一夕而九逝

北使洛

宋書曰延之洛陽道中作文
辭藻麗爲謝晦傅亮所賞

改服飭徒旅首路跼險艱振楫發吳洲秣馬陵楚山塗
出梁宋郊道由周鄭間前登陽城路日夕望三川在昔
輟期運經始闊聖賢伊瀝絕津濟臺館無尺椽宮陛多
巢穴城闕生雲煙王猷升八表嗟行方暮年陰風振涼
野飛雲瞽窮天臨塗未及引置酒慘無言隱閔徒御悲
威遲良馬煩遊役去芳時歸來屢徂誓蓬心旣已矣飛

薄殊亦然。

抱朴子曰聞之前志聖人生率闕五百歲○黍離之感行役之悲情旨嗚越

五君詠五首

竹林七賢山濤王
我以貴顯被斥

阮步兵

籍

阮公雖淪迹。識密鑿亦洞。沈醉似埋照。寓辭類託諷。長嘯若懷人。越禮自驚眾。物故不可論。途窮能無慟。

嵇中散

康

中散不偶世。本自餐霞人。形解驗默僊。吐論知凝神。立俗迓流議。尋山洽隱淪。鸞翮有時鍛。龍性誰能馴。

桓子
新論

日聖人皆
形解仙去

劉參軍 伶

劉伶善閉關。懷情滅聞見。鼓鐘不足歡。榮色豈能眩。韜
精日沈飲。誰知非荒晏。頌酒雖短章。深衷自此見。老子曰善

閉者無關鍵而不可開言
道德內充情欲俱閉也

阮始平 咸

仲容青雲器。實稟生民秀。達音何用深。識微在金奏。郭
奕已心醉。山公非虛覲。屢薦不入官。一麾乃出守。阮咸哀樂

至到過絕於人太原郭奕見之心醉○山
濤啟事曰咸若在官之職必妙絕於時

向常侍 秀

己亥游卷一
六
向秀甘澹薄深心託豪素探道好淵冬觀書鄙章句交

呂既鴻軒攀稽亦鳳舉流連河裏遊惻愴山陽賦秀嘗與稽

康偶鍛於洛邑與呂安灌園於山陽

秋胡詩九首

倚梧傾高鳳寒谷待鳴律影響豈不懷自遠每相匹婉

彼幽閒女作嬪君子室峻節貫秋霜明艷侔朝日嘉運

既我從欣願自此畢倚梧佇鳳鳥之來儀寒谷待吹律而成照言夫婦之相匹如影響之

相思也

燕居未及好良人願有違脫巾千里外結綬登王畿戒

徒在昧旦左右來相依。驅車出郊郭。行路正威遲。存爲久離別。沒爲長不歸。

嗟余怨行役。三陟窮晨暮。嚴駕越風寒。解鞍犯霜露。原隰多悲涼。迴飈卷高樹。離獸起荒蹊。驚鳥縱橫去。悲哉

遊宦子。勞此山川路。

卷耳詩陟彼崔嵬陟彼高岡陟彼祖矣故曰三陟

超遙行人遠。宛轉年運徂。良時爲此別。日月方向除。孰知寒暑積。僂俛見榮枯。歲暮臨空房。涼風起坐隅。寢興日已寒。白露生庭蕪。

一章至四章言宦仕於外已之靡日不思也

勤役從歸。願反路遵山河。昔辭秋未素。今也歲載華。蠶

月歡時暇桑野多經過佳人從所務窈窕援高柯傾城
誰不顧弭節停中阿

年往誠思勞路遠闊音形雖爲五載別相與昧平生捨

車遵往路鳧藻馳目成南金豈不重聊自意所輕義心

多苦調密比金玉聲

五章至六章言遇於桑下秋胡子下車與之以金也○班彪冀州賦

曰感鳧藻以進樂

高節難久淹竭來空復辭遲遲前塗盡依依造門基上

堂拜嘉慶入室問何之日暮行來歸物色桑榆時美人

望昏至慙歎前相持

此章言其母使人呼其婦至乃向采桑者也

有懷誰能已聊用申苦言離居殊年載一別阻河關春
來無時豫秋至恆蚤寒明發動愁心閨中起長歎慘悽

歲方晏日落遊子顏

言情之慘悽在乎歲之方晏日之將落愈思遊子之顏此章申言五

載中思慕情事○前章說相持矣以常情言宜卽出憤語此卻申言離居之苦急處用緩承正是節奏之妙

高張生絕絃聲急由調起自昔枉光塵結言固終始如

何久爲別百行讐

古愈字

諸已君子失明義誰與偕沒齒

愧彼行露詩甘之長川汜

高張生於絕弦喻立節期於效命聲急由乎調起喻詞切

興於恨深○易曰歸妹人之終始也○無古樂府之警健然章法綿密布置穩順在延之爲上乘矣

謝靈運

前人評康樂詩謂東海揚帆風日流利此不甚允大約經營慘淡鈎深索隱而一歸

自然山水閒適時遇理趣匠心獨運少規往則建安諸公都非所屑況士衡以下○陶詩合下自然不可及處在真在厚謝詩追琢而返於自然不可及處在新在俊千古並稱厥有由夫○陶詩高處在不排謝詩勝處在排所以終遜一籌○劉勰明詩篇曰老莊告退而山水方滋見遊山水詩以康樂爲最

從遊京口北固應詔

從宋武帝

玉璽誠誠信黃屋示崇高事爲名教用道以神理超昔
聞汾水遊今見塵外鑣鳴笳發春渚稅鑾登山椒張組
眺倒景同影列筵矚歸潮遠巖映蘭薄白日麗江皋原隰
萸綠柳墟囿散紅桃皇心美陽澤萬象咸光昭顧己枉

維繫撫志慙場苗工拙各所宜。終以返林巢。曾是繁舊
想覽物奏長謠。莊子曰堯見四子藐姑射之山分水之陽。○理語入詩而不覺其腐全在骨高

述祖德詩二首

序曰太元中王父龕定淮南負荷世業尊主隆
人遂賢相徂謝君子道消拂衣蕃岳考卜東山

事同樂生之時志期范蠡之舉

王父謂予也龕同戡勝也龕定

淮南謂敗苻堅事

達人貴自我高情屬天雲兼抱濟物性而不纓垢氛段
生蕃魏國展季救魯人弦高犒暗師仲連卻秦軍臨組

乍不縵對珪。靈宵分惠物。辭所賞。勵志故絕人。茗茗歷
千載。遙遙播清塵。清塵竟誰嗣。明哲垂經綸。委講輟道
論。改服康世屯。屯難既云康。尊主隆斯民。

弦高犒秦師
在暗之道暗

音晉見呂氏春秋諸本
爲晉字之誤也因改正

中原昔喪亂。喪亂豈解已。崩騰永嘉末。逼迫太元始。河
外無反正。江分有賊圯。萬邦咸震懾。橫流賴君子。拯溺
由道情。龕暴資神理。秦趙欣來蘇。燕魏遲文軌。賢相謝
世運。遠圖因事止。高揖七州外。拂衣五湖裏。隨山疏濬
潭。傍巖藝枌梓。遺情捨塵物。貞觀邱壑美。

賊地詩日日
賊國百里爾

雅曰。圯敗覆也。莊子曰。夫道有情有性。

九日從宋公戲馬臺集送孔令

季秋邊朔苦。旅雁違霜雪。淒淒陽卉腓。皎皎寒潭潔。良辰感聖心。雲旗興暮節。鳴笳戾朱宮。蘭卮獻時哲。餞晏光有孚。和樂隆所缺。在宥天下理。吹萬羣方悅。歸客遂海隅。脫冠謝朝列。弭棹薄枉渚。指景待樂闕。河流有急瀾。浮驂無緩轍。豈伊川途念。宿心愧將別。彼美邛園道。

喟焉傷薄劣。

詩序曰。鹿鳴廢則和樂缺矣。○莊子曰。聞在宥天下。不聞在治天下也。郭象曰。宥使

自在則治也。○莊子南郭子綦曰。夫吹萬不同。而使其自己也。司馬彪曰。言天氣吹煦長養萬物。形氣不同。己

止也使各得其性而止

鄰里相送至方山

祇役出皇邑。相期憩甌越。解纜及流潮。懷舊不能發。析
析就衰林。皎皎明秋月。含情易爲盈。遇物難可歇。積疴
謝生慮。寡慾罕所闕。資此永幽棲。豈伊千歲別。各勉日
新志。音塵慰寂蔑。

解纜二句別緒低徊
含情二句觸境自得

過始寧墅

束髮懷耿介。逐物遂推遷。違志似如昨。二紀及茲年。緇
磷謝清曠。疲薺慙貞堅。拙疾相倚薄。還得靜者便。剖竹

守滄海枉帆過舊山。山行窮登頓。水涉盡澗沿。巖峭嶺
稠疊。洲縈渚連綿。白雲抱幽石。綠篠媚清漣。葺宇臨迴
江。築觀基層巔。揮手告鄉曲。二載期歸旋。且爲樹枌櫨。
無令孤願言。登頓沿澗非老於遊山水者不知。○左傳
初季孫爲己樹云。櫨於蒲圃泉門之外。杜
註曰。櫨自爲櫨也。○始寧縣謝公故宅
及墅在焉。茲因之官過此。故有末四句。

七里瀨

羈心積秋晨。晨積展遊眺。孤客傷逝湍。徒旅苦奔峭。石
淺水潺湲。日落山照曜。荒林紛沃若。哀禽相叫嘯。遭物
悼遷斥。存期得要妙。旣秉上皇心。豈屑末代諂。目覩巖

子瀨想屬任公釣。誰謂今古殊。異代可同調。

登池上樓

在永嘉郡

潛虬媚幽姿。飛鴻響遠音。薄霄愧雲浮。棲川怍淵沈。進
德智所拙。退畊力不任。徇祿及窮海。臥疴對空林。衾枕
昧節候。褰開暫窺臨。傾耳聆波瀾。舉目眺嶺嶽。初景革
緒風。新陽改故陰。池塘生春草。園柳變鳴禽。祁祁傷幽
歌。萋萋感楚吟。索居易永久。離羣難處心。持操豈獨古。
無悶徵在今。
虬以深潛而保真。鴻以高飛而遠害。今以嬰世網。故有愧虬與鴻也。薄霄頂飛。鴻棲川頂。潛虬。楚詞曰。欵秋冬之緒風。○池塘生春草。偶然佳句。何必深求權德輿解爲王澤竭候將變。何句不

可穿
鑿耶

遊南亭

亦承
嘉郡

時竟夕。澄霽雲歸日。西馳密林含。餘清遠峯隱。半規久
晦昏。墊苦旅館眺。郊岐澤蘭漸。被徑芙蓉始。發池未厭
青春好。已覩朱明移。戚戚感物歎。星星白髮垂。藥餌情
所止。衰疾忽在期。逝將候秋水。息景偃舊厓。我志誰與
亮。賞心惟良知。

起先用寫景第六句點出眺郊岐此倒
插法也少陵往往用之。○良知謂良友

遊赤石進泛海

首夏猶清和。芳草亦未歇。水宿淹晨暮。陰霞屢興沒。周

覽倦瀛壖。況乃凌窮髮。川后時安流。天吳靜不發。揚帆采石華。挂席拾海月。溟漲無端倪。虛舟有超越。仲連輕齊組。子牟眷魏闕。矜名道不足。適己物可忽。請附任公言。終然謝天伐。

張衡歸田賦。仲春令月。時和氣清。指二月言。此言首夏猶之清和芳草亦未歇也。

後人以四月爲清和謬矣。○臨海志曰。石華附石而生。海月大如鏡白色。○莊子曰。孔子圍於陳。太公任往弔之。曰。直木先伐。甘泉先竭。子其意者。飾智以驚愚。修身以明污。昭昭若揭日月而行。故不免也。

登江中孤嶼

在永嘉江心

江南倦歷覽。江北曠周旋。懷新道轉迴。尋異景不延。亂流趨正絕。孤嶼媚中川。雲日相輝映。空水共澄鮮。表靈

物莫賞。蘊真誰爲傳。想像崑山姿。緬邈區中緣。始信安

期術。得盡養生年。

懷新道轉迴謂貪尋新境忘其道之遠也尋異景不延謂往前探奇當前

妙景不能少遷延也深於尋幽者知之十字字字耐人咀味○亂流二句謂截流而渡忽得孤嶼余嘗遊金焦

誦此二句愈覺其妙

登永嘉綠嶂山詩

裏糧杖輕策。懷遲上幽室。行源徑轉遠。距陸情未畢。澹

澱結寒姿。團欒潤霜質。澗委水屢迷。林迴巖逾密。眷西

謂初月。顧東疑落日。踐夕奄昏曙。蔽翳皆周悉。蠱上貴

不事。履二美貞吉。幽人常坦步。高尚邈難匹。頤阿竟何

端寂寂寄抱一恬如既已交。繕性自此出。

眷西四句言深入蒼翠中

幾不知旦暮左眺右瞻疑誤日月也然此詩過於雕鏤漸失天趣取其用意之佳耳

齋中讀書

昔余遊京華。未嘗廢邱壑。矧乃歸山川。心跡雙寂漠。虛館絕諍訟。空庭來鳥雀。臥疾豐暇豫。翰墨時作懷抱。觀古今寢食展戲謔。既笑沮溺苦。又哂子雲閣。執戟亦以疲。耕稼豈云樂。萬事難並歡。達生幸可託。

楚詞曰野寂漠其無

人漠同寞○

子雲閣強押

田南樹園激流植援

命題簡古

樵隱俱在山。由來事不同。不同非一事。養疴亦園中。
園屏紛雜清。曠招遠風卜。室倚北阜。啟扉面南江。激澗
代汲井。插槿當列壟。羣木既羅戶。眾山亦當窗。靡迤趨
下田。迢遞瞰高峯。寡慾不期勞。卽事罕人功。唯開蔣生
徑。永懷求羊蹤。賞心不可忘。妙善冀能同。

郭象注莊曰
妙善同故無

住而不冥也
同字重韻

石壁精舍還湖中作

昏旦變氣候。山水含清暉。清暉能娛人。遊子憺忘歸。出
谷日尚蚤。入舟陽已微。林壑斂暝色。雲霞收夕霏。芰荷

正言少考一
一
迭映蔚蒲稗相因依披拂趨南徑。愉悅偃東扉慮澹物
自輕意愜理無違寄言攝生客試用此道推。

登石門最高頂

晨策尋絕壁夕息在山棲疏峯抗高館對嶺臨迴溪長
林羅戶穴積石擁階基連巖覺路塞密竹使徑迷來人
忘新術去子惑故蹊活活夕流駛噉噉夜猿啼沈冥豈
別理守道自不攜心契九秋榦目翫三春萋居常以待
終處順故安排惜無同懷客共登青雲梯。

石門新營所住四面高山迴溪石瀨茂林修竹

躋險築幽居。披雲臥石門。苔滑誰能步。葛弱豈可捫。嫋
嫋秋風過。萋萋春草繁。美人遊不還。佳期何由敦。芳塵
凝瑤席。清醕滿金尊。洞庭空波瀾。桂枝徒攀翻。結念屬
霄漢。孤景莫與諉。俯濯石下潭。仰看條上猿。蚤聞夕飈
急。晚見朝日暎。崖傾光難留。林深響易奔。感往慮有復。
理來情無存。庶持乘日車。得以慰營魂。匪爲眾人說。冀
與智者論。

早聞二句總見光景之不同感往二句言悲感已往而天壽紛錯故慮有迴復妙理若來

而物我俱喪故情無所存。莊子牧馬篇童子謂黃帝

曰有長者教子曰若乘日之車而遊襄城之野。楚辭

曰載營魂而升霞

於南山往北山經湖中瞻眺

朝旦發陽崖。景落憩陰峯。舍舟眺迴渚。停策倚茂松。側
徑既窈窕。環洲亦玲瓏。俯視喬木杪。仰聆大壑深。石橫
水分流。林密蹊絕蹤。解音蟹作竟。何感升。長皆丰。容初篁
苞綠籜。新蒲含紫茸。海鷗戲春岸。天雞弄和風。撫化心
無厭。覽物眷彌重。不惜去人遠。但恨莫與同。孤游非情
歎。賞廢理誰通。易曰天地解而雷雨作。雷雨作而百果
草木皆甲坼。又曰地中生木升詩中用

經無如
謝公者

從斤竹澗越嶺溪行

猿鳴誠知曙。谷幽光未顯。巖下雲方合。花上露猶泣。透
迤傍隈隩。迢遞步陁峴。過澗旣厲急。登棧亦陵緬。川渚
屢經復。乘流翫迴轉。蘋萍泛沈深。菰蒲冒清淺。企石挹
飛泉。攀林摘葉卷。想見山阿人。薜蘿若在眼。握蘭勤徒
結。折麻心莫展。情用賞爲美。事昧竟誰辨。觀此遺物慮。
一悟得所遣。過澗旣厲急。用以衣涉水事。○棗據逸民
賦曰。握春蘭兮遺芳。楚詞曰。折疎麻兮瑤
華。將以遺兮離居。此云勤徒結心莫展
言欲贈友而未由也。承上二句看便明。

過白岸亭詩

拂衣遵沙塹。緩步入蓬屋。近澗涓密石。遠山映疎木。空

翠難強名。漁釣易爲曲。援蘿聆青崖。春心自相屬。交交

止相黃。呦呦食苹鹿。傷彼人百哀。嘉爾承筐樂。榮悴迭

去來。窮通成休憾。未若常疎散。萬事恆抱朴。凡物可以名則淺矣

難強名。神於寫空翠者。止相黃言黃鳥止於相也。然終未安。

初去郡

爲永嘉守二年稱疾去職還始寧

彭辭裁知恥。貢公未遺榮。或可優貪競。豈足稱達生。伊
余秉微尚。拙訥謝浮名。廬園當棲巖。卑位代躬耕。顧已
雖自許。心跡猶未并。無庸方周任。有疾象長卿。畢娶類
尚子。薄遊似邴生。恭承古人意。促裝返柴荆。牽絲及元

興解龜在景平。負心二十載。於今廢將迎。理棹遄還期。
遵渚驚修垞。遡溪終水涉。登嶺始山行。野曠沙岸淨。天
高秋月明。憩石挹飛泉。攀林搴落英。戰勝臞者肥。鑿止
流歸停。卽是義唐化。獲我擊壤情。漢書曰廣德當宣近於知恥謂彭宣辭廣
德也貢公指貢禹○邢生謂曼容養志自修爲官不肯過六百石輒自免去○子夏曰吾入見先王之義則榮
之出見富貴又榮之二者戰於胸臆故臞今見先王之義戰勝故肥也○文子曰莫監於流潦而監於止水

夜宿石門詩

朝攀苑中蘭。畏彼霜下歇。暝還雲際宿。弄此石上月。鳥
鳴識夜棲。木落知風發。異音同至聽。殊響俱清越。妙物

莫爲賞芳醕。誰與伐美人。竟不來陽阿。徒晞髮。異音同至聽空

翠難強名皆謝公獨造語

入彭蠡湖口

客遊倦水宿。風潮難具論。洲島驟迴合。圻岸屢崩奔。乘
月聽哀猿。沍露馥芳蓀。春晚綠野秀。巖高白雲屯。千念
集日夜。萬感盈朝昏。攀崖照石鏡。牽葉入松門。三江事
多往。九派理空存。靈物吝珍怪。異人秘精魂。金膏滅明
光。水碧綴流温。徒作千里曲。絃絕念彌敦。

入華子岡是麻源第三谷

南州實炎德。桂樹陵寒山。銅陵映碧澗。石磴瀉紅泉。既
枉隱淪客。亦棲肥遯賢。險徑無測度。天路非術阡。遂登
羣峯首。邈若升雲煙。羽人絕髮髯。丹邱徒空筌。圖牒復
磨滅。碑版誰聞傳。莫辨百代後。安知千載前。且申獨往
意。乘月弄潺湲。恆充俄傾用。豈爲古今然。

歲暮

殷憂不能寐。苦此夜難禔。明月照積雪。朔風勁且哀。運
往無淹物。年逝覺已催。

關文

古詩源卷十終